



REPUBLIKA E SHQIPËRISË
KOMISIONERI PËR MBROJTJEN NGA DISKRIMINIMI
DREJTORIA E ÇËSHTJEVE PROCEDURALE LIGJORE DHE MARRËDHENIEVE ME JASHTË

Nr. 462/ Prot.

Tiranë, më 23 / 09/ 2013

Lënda : Ridërgohet rekomandimi për marrjen e masave urgjente për miratimin e udhëzimit për të siguruar kompensimin e çmimit të teksteve shkollore, për vitin shkollor 2013-2014 në sistemin arsimor parauniversitar.

Drejtuar : Znj. Lindita NIKOLLA
MINISTRE E ARSIMIT DHE SPORTIT

TIRANË

E nderuar zonja Ministre!

Më lejoni që në radhë të parë t'Ju uroj suksese në detyrën Tuaj. Uroj që bashkëpunimi i deritanishëm midis dy institucioneve tona, bashkëpunim i cili është formalizuar edhe me nënshkrimin e marrëveshjes së bashkëpunimit do të vazhdojë edhe në të ardhmen. Duke marrë shkas edhe nga prononcimet Tuaja publike për të trajtuar me përparësi situatën e nxënësve vulnerabël dëshiroj të sjellë në vëmendjen Tuaj sa më poshtë:

Me shkresën nr. 462 prot datë 06.09.2013 kemi përcjellë pranë institucionit Tuaj shqetësimin lidhur me vonesën e miratimit të udhëzimit të përbashkët midis Ministrisë së Arsimit dhe Shkencës dhe Ministrisë së Financave për të siguruar kompensimin e çmimit



Adresa: Rruga Sami Frashri, Nr. 10, Kati II, Tiranë
(Tek godina e Fondit Shqiptar të Zhvillimit)
Tel: +355 4 2431078
Fax: +355 4 2431077
e-mail: info@kmd.al
web: www.kmd.al

të teksteve shkollore, për vitin shkollor 2013-2014 në sistemin arsimor parauniversitar për kategoritë vulnerabel të nxënësve. Meqënëse, akoma nuk rezulton që ky udhëzim i përbashkët të jetë miratuar, risjellim në vëmendjen Tuaj këtë problematikë për një zgjidhje sa më të shpejtë të problemit. Sa më poshtë më lejoni të sjell në vëmendjen tuaj problematikën e cila kërkon zgjidhje urgjente.

Komisioneri për Mbrojtjen nga Diskriminimi në përmbushje të qëllimit të ligjit nr. 10 221 datë 04.02.2010 *“Për mbrojtjen nga diskriminimi”* për të garantuar të drejtën e çdo personi për barazi përpara ligjit, mbrojtje të barabartë nga ligji dhe mbrojtje efektive nga diskriminimi dhe çdo formë sjellje që nxit diskriminimin dhe bazuar në kompetencën që i jepet në bazë të shkronjës “f”, të pikës 1, të nenit 32, të këtij ligji, për të bërë rekomandime për çfarëdo lloj çështje që lidhet me diskriminimin, parashtrohet sa më poshtë vijon:

Ministri i Arsimit dhe Shkencës ka miratuar udhëzimin nr. 46, datë 23.08.2013 *“Për vitin shkollor 2013-2014 në sistemin arsimor parauniversitar”*, por nuk rezulton të jetë miratuar akoma udhëzimi i përbashkët me Ministrin e Financave, i cili do të hapte rrugën për miratimin e fondit dhe bërjen efektive të masave të parashikuara për kompensimin e çmimit të teksteve shkollore për fëmijët dhe nxënësit romë, fëmijët që gëzojnë statusin ligjor të jetimit dhe statusin e të verbërit, fëmijët e emigrantëve dhe pakicave kombëtare, fëmijët familjet e të cilëve trajtohen me ndihmë ekonomike, apo kategori të tjera të përfshira.

Vonesa në miratimin e këtij akti nënligjor ka sjellë në ditët e para të fillimit të vitit shkollor, pasoja negative për kategoritë e nxënësve që përfitojnë kompensimin e çmimit të teksteve shkollore, pasoja këto që në mjaft raste janë bërë publike.

Për përmirësimin e situatës arsimore të minoritetit rom, në Planin Kombëtar të Veprimit të Dekadës së Përfshirjes së Rome, 2010-2015, masa e parashikuar për sigurimin e teksteve dhe mjeteve shkollore falas për fëmijët romë, është një masë që e shtrin veprimin e saj deri në vitin 2015.

Zbatimi i detyrimeve ligjore, për marrjen e masave, që synojnë përsheptimin e vendosjes reale të barazisë janë të domosdoshme për të luftuar dhe eliminuar diskriminimin në të drejtën për arsim të personave, dhe dështimi për të zbatuar me efektivitet këto masa mund



Adresa: Rruga Sami Frashri, Nr. 10, Kati II, Tiranë
(Tek godina e Fondit Shqiptar të Zhvillimit)
Tel: +355 4 2431078
Fax: +355 4 2431077
e-mail: info@kmd.al
web: www.kmd.al

të çojë në diskriminimin e grupeve të caktuara, të cilët gjenden në rrethana dhe kushte të ndryshme nga pjesa tjetër e shoqërisë.

Nisur nga situata e krijuar si dhe bazuar në kompetencat që ligji “Për mbrojtjen nga diskriminimi” i jep institucionit të Komisionerit për të bërë rekomandime për çfarëdo lloj çështje që lidhet me diskriminimin, Komisioneri për Mbrojtjen nga Diskriminimi,

REKOMANDON

Marrjen e masave urgjente për miratimin e udhëzimit për të siguruar kompensimin e çmimit të teksteve shkollore, për vitin shkollor 2013-2014 në sistemin arsimor parauniversitar për kategoritë vulnerabël të nxënësve.

Duke besuar në mirëkuptimin dhe bashkëpunimin tuaj,



Konci. J. Kumbarezi



Adresa: Rruga Sami Frashri, Nr. 10, Kati II, Tiranë
(Tek godina e Fondit Shqiptar të Zhvillimit)
Tel: +355 4 2431078
Fax: +355 4 2431077
e-mail: info@kmd.al
web: www.kmd.al